



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK**

Broj: 02-44-5-112-90/19

Datum: 11.10.2019. godine

Na osnovu člana 30. Statuta Općine Tešanj ("Službeni glasnik Općine Tešanj", broj: 11/07), Budžeta Općine Tešanj za 2019. godinu ("Službeni glasnik Općine Tešanj", broj: 9/18, 7/19 i 8/19), Odluke o izvršavanju Budžeta Općine Tešanj za 2019. godinu ("Službeni glasnik Općine Tešanj", broj: 9/18 i 8/19) i Izvještaja o procijenjenoj šteti uzrokovanoj poplavom dana 23./24.08.2019. godine, broj: 07-44-5-112-85/19, od 20.09.2019. godine, Općinski načelnik donosi

O D L U K U
**o dodjeli sredstava pomoći za stambene objekte kojima je utvrđena šteta usljed
poplave u avgustu 2019. godine**

Član 1.

Ovom Odlukom odobrava se isplata sredstva za pružanje pomoći stanovništvu općine Tešanj na sanaciji oštećenih stambenih objekata od prirodne nesreće-poplava tokom mjeseca avgusta 2019. godine, a u skladu sa Izvještajem o procijenjenoj šteti uzrokovanoj poplavom dana 23./24.08.2019. godine.

Sredstva se osiguravaju u Budžetu općine Tešanj u iznosu od 383.753 KM (slovima:tristotineosamdesettrihjadestamstotinapedesettri KM) sa Budžetske stavke "Sredstva pomoći stanovništvu za otklanjanje posljedica prirodnih nesreća – obnova oštećenih i uništenih stambenih i drugih objekata i drugih šteta", ekonomski kod 614241, funkcija 1091, organizaciona jedinica Služba civilne zaštite.

Član 2.

Navedena sredstva iz člana 1. ove Odluke isplatit će se kao pomoć u sanaciji šteta vlasnicima stambenih objekata u visini od 33% od utvrđene i procjenjene štete na **stambenim objektima, namještaju i kućanskim aparatima**, a prema raspoloživim budžetskim sredstvima.

Isplata sredstava iz tačke 1. ove Odluke izvršit će se na tekući račun imenovanih lica prema spisku u prilogu (zaključno sa rednim brojem 278).

Član 3.

Za realizaciju ove Odluke zadužuju se Služba za finansije, privredu i inspekcije, u okviru svojih nadležnosti.

Član 4.

Ova Odluka stupa na snagu narednog dana od dana potpisivanja i biće objavljena u "Službenom glasniku općine Tešanj".

Dostaviti:

1. Služba za finansije, privredu, komunalne i inspekcijeske poslove,
2. Mjesne zajednice,
3. Službeni glasnik Općine Tešanj,
- ④ 4. Web stranica Općine Tešanj,
5. Oglasna ploča Općine Tešanj i ureda,
6. Arhiva.



OPĆINSKI NAČELNIK

Mr. Sc. Suad Huskic